

Zeitschrift: Nebelspalter : das Humor- und Satire-Magazin
Band: 91 (1965)
Heft: 23

Rubrik: Warum

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 16.03.2025

ETH-Bibliothek Zürich, E-Periodica, <https://www.e-periodica.ch>



der Faule der Woche

Röbi entdeckt auf der Straße einen Mann, der eine Wanduhr auf dem Buckel trägt. Röbi zeigt auf seine Armbanduhr und sagt: «Wänn ich lne töörf en guete Root gää: E so öppis setted Si chaufe, das isch vil praktischer!»

Bobby Sauer

Psychologie!

Jungi Lyt und Maitli in hääle Schare hänn jetz ihr Schuelzyt hinder sich. Bald glopfts Lääbe sälber energisch byn enen aa. Me sott aafoo sy Broot sälber z verdiene. Vyl vo dääne Junge, woo nit e solyd Handwärgg lehre wänn, kemme jetz in e Gschäft, in e Laade, in e Bureau. Die ainte, fir e Lehr z mache, die andere, woo scho ebbis verstehn und kenne, fir sich nutzlig z mache.



Hitte lauft Gschäft iberaal. Me bruucht vyl jungi Hälfer. Aber vyl Firme, au grooßi, luege sich die junge Lytli ainewääg gnau aa, woo gärn e Stell hätten und mechte schaffe.

Me waiß, daß daas hitte schier wissenschäftlig, oder sogar würggig wissenschäftlig zuegoht, das «Gnau Aaluege». Graphoologe zaigt me d Handschrift vo dääne jungen Aschpirante. Psychoologe machen allergattigs fir «Tescht» – Exaame – mit

unsere Junge, fir usez'finde, eb me si ächtscht au bruuche kenn und woo me si ächtscht am beschte bruuche kennt.

Der Chef vom ene soone mächtigen Unternämme het sich fir sy aige Bureau e neyji Sekretärin gsuecht. E gscheyte, erfahrene Psycholoog het miesen aane. Er het zletscht no drey Maitli ibrigghaa und het si ins Gibätt gnoo.

«Waas isch zwai und zwai?» froggt er die erschti, woo vor em gsässen isch.

«Vier!» het die nätti Jumpfere gly gsait.

s zwait Maitli het aber en anderi Antwort uff die glychi Froog gää: «Daas kennt zwaiezwanzig sy ...» und strahlt der Psycholoog aa.

Und die dritti het sich en Augenbligg bsunne, eb si gsait het: «Daas kennt graad esoo guet 22 sy wie 4.»

Woo die drey junge Daame wider dusse gsi sinn, aini um die anderi, het unser Psycholoog der Chef vo der Firma stolz aaglacht:

«Gsehn Si jetze, Her Diräggtter? Daas isch halt Psychologie! Die erschti sait graad use, waas enen yfallt. Die zwaiti isch mißdrauisch. Und die dritti isch aini, woo Figgi und Mihli wott haa im Lääbe. Weeli wänn Si jetze näh? Weeli baßt Enen am beschte?»

Der Chef het sich nit lang bsunne. Glacht het er und gmaint:

«He, die Blondi mit de blauen Auge, nadyrlig!»

Do hämmer also d'Psychologie.

Y haa daas gschwind welle verzelle; s isch vyl Junge vilicht e glaine Drooscht, woo jetze vor däm Schritt ins Lääben use stehn.

Fridolin



Wenn jeder im Erwerbsleben Stehende wegen erlittener Nötigung vor den Kadi laufen wollte, müßten aus unseren Gerichtsgebäuden Wolkenkratzer werden ...

● Georg Trottmann

Wenn wir zum Vorteil der menschlichen Gemeinschaft annehmen, daß tatsächlich die große Menge ihr Leben verbringt, ohne mit den Gesetzen in Konflikt zu kommen, so beweist diese Tatsache noch gar nichts.

● Basler Nachrichten

Wenn man das Gifteln zum Strafartbestand erheben wollte, müßte man die meisten Appenzeller nach Trogen zitieren, wo sie gleich ein Abonnement für is Chefi lösen könnten!

● Gerichtssaalblüte



Unsere Seufzer-Rubrik

warum

wird das Wetter nicht besser, wenn man am Barometer klopft?
J. S., Schönenwerd

Die Quittung

Unsere Familie war zum Essen eingeladen. Wir waren bis zum Dessert gelangt. Einer unserer kleinen Buben schielte immer nach dem Rest und hoffte, noch eine Portion zu bekommen. Als es niemand merken wollte, legte er sein Löffelchen mit Entschiedenheit auf den Tisch und sagte so laut, daß es alle hören mußten: «Nei, danke!» Diesmal wurde er auch verstanden. AH

